



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კალანდაძე ზურაბ ფილიპეს ძე

კალანდაძე ზურაბ ფილიპეს ძე (21. XI. 1923, ქუთაისი, - 31. X. 2003, თბილისი), თორაკო-ქირურგი. მედ. მეცნ. დოქტორი (1969), პროფესორი (1977), საქართვე. მეცნ. დამს. მოღვაწე (1987), სამედ.-ბიოლ. აკადემიის ნამდვ. წევრი (1997). 1949 დაამთავრა თსსი. სწავლა განაგრძო მოსკოვში, თავდაპირველად კურორტოლოგიის საკავშ. ინ-ტის კლინიკურ ორდინატურაში (1952-56), შემდეგ რუსეთის ტუბერკულოზის ცენტრ. სამეცნ.-კვლ. ინ-ტის ასპირანტურაში (1956-60). თავდაპირველად იყო ამავე ინ-ტის უმცრ. (1962-66), შემდეგ უფრ. მეცნიერი თანამშრომელი და ქირურგიის კლინიკის ხელმძღვანელი (1966- 72), თსსი-ის ფთიზიატრიისა და გულმკერდის ქირურგიის კათედრის პროფესორი და ამავე კათედრის გამგე (1972-79). დანერგა ფილტვების ერთმომენტიანი ორმხრივი რეზექცია ტუბერკულოზის დროს.

კ. არის განცალკევებული ბრონქოსპირომეტრიის ორიგინ. მეთოდის ავტორი, თორაკო-ქირურგ. ინსტრუმენტის, მ. შ. „ზვიგენის“ გამომგონებელი.

კ. იყო საქართვე. ფთიზიატრიისა და პულმონოლოგიის ასოციაციის დამფუძნებელი; მრავალი სამეცნ. ნაშრომის, მ. შ. 2 მონოგრაფიის ავტორი.

დაჯილდოებულია ღირსების ორდენით (1999).
